

Gvangjsih Minzcuz Bau

广西民族报 ganhhau: CN45-0036 B.2021 Nd.2 Ng.24 liggaeuq sincouj nienz ndwencieng cibsam

Baihguenjbanh: Gvangjsih
Bouxcuengh Swcigih Minz-
cuz Cunghgyau Swvu Veij-
yenzvei
Biengauj okbanj: Gvangjsih
Minzcuz Bause
Geizsoq: Gungh daih 3462 geiz
Geiz neix 8 banj

Siz Ginbingz Youq Mwh Hai Daihhoih Heuh Vunzlai Hag Son Lizensij Aendangj De Giengzdiuh Hag Lizensij Rox Swhsiensij Banh Saehsaed Hwnjndin Moq Baenzsaeh Ndeindet Ciepcoux Aendangj Laeb Ndaej Bak Bi

2 nyied 20 hauh banhaet, aen Daihhoih Heuh Vunzlai Hag Son Lizensij Aendangj de youq Baekging hai. Cunghgung Cunghyangh cungj-suhgi, gozgyah cujsiz, Cunghyangh Ginhveij cujsiz Siz Ginbingz camgya hai hoih caemhcaiq gangj gij vah youqgaenj. De giengzdiuh, daengx aendangj cungj hag caeuq son lizensij aendangj, dwg aen gietdingh hungmbwk ndeu, dwg Dangicunghyangh suenqveh aendangj hwnjndin baenaj bak bi moq, comz naemj daengx aenbuenz Cunghvaz Minzcuz fukhwng hungmbwk caeuq aenbuenz daih

gaijbienq daengx seiqgyaiq bak bi doxdaeuj caengz miz gvaq, vihliux heuh daengx aendangj daengx guek gak boux gak baih cungj rengzrwd guh hongsaeh gizgiz cungj cauhaeb aen guek sevei cuji yendaiva cix baenzneix gietdingh. Bouxdungzei daengx aendangj aeu guhdaengz hag lizensij rox dauhleix, hag lizensij lai gag saenq, hag lizensij gingq daudwz, hag lizensij ak guhsaeh, hag lizensij aendangj, rox swhsiensij, banh saehsaed, hwnjndin moq, aeu miz cungj yienghsienq rengzrwd bonghfoz de bae haenqrengz hwnjndin moq guh hongsaeh gizgiz

cungj cauhaeb aen guek sevei cuji yendaiva, aeu baenzsaeh ndeindet ciepcoux aendangj laeb ndaej bak bi. Cunghgung Cunghyangh Cwngcigiz cangzveij Lij Gwzgyangz, Liz Cansuh, Cau Lozci, Hanz Cwng, gozgyah fucujisiz Vangz Gizensah camgya haihoih, Cunghgung Cunghyangh Cwngcigiz cangzveij Vangz Huningz ndabaiz aen hoih neix. Siz Ginbingz gangvah vixok, daengx aendangj cungj hag son lizensij aendangj, neix youq ndaw cwngci swnghhoz aendangj dwg ghen

saehhung ndeu. Daengx aendangj cungj aeu dawznaek yawjnaek, hwnj giz lai sang bae naemjngeix, ciuq cingzgvang caen, ciuq gij guhfap doiqcinj gaxgonq hengz caemhcaiq rox cauhoq, ciuq byauhcunj sang guhndei guhsat gak aen yinvu hag son. It dwg gya rengz cujciz caeuq lingjdaui. Ngeih dwg dawzcinj gij yawjap lizensij aendangj. Sam dwg caen coengh beksingq banh saehsaed gej saehhoj. Seiq dwg lai roengzrengz ok gij guhfap moq bae guh hongsaeh hag son.

(ciuq Sinhvasze)

Yungzsuij: Guh Lai Yiengh Minzsuz Hozdung Angq Gvaq Cieng Moq



2 nyied 17 hauh, Yungzsuij Myauzcuz Swciyen Dungdouz Cin Gauh' anh Cunh Mbanjsanhca Yauzcuz guh hozdung angq gvaq cieng moq, haujlai beixnuengx Yauzcuz daenj ndangdaenj ngoenzciet, doxcomz giz ndeu, doengzdoi boq aenvenz, diuq fouxvenz vanlij vanq dangz hohfuk daengj, guh gij minzsuz hozdung cienzdoengj neix angq gvaq cieng moq.

(Lungz Linzci)

SIUSIK DINJ

● 2 nyied 11 hauh daengz 17 hauh, daengx guek gij giyez daeuz guh gailing caeuq guh gijgwn gijndoet de gungh gai bae doxgaiq 8210 ik maenz, beij bi' gvaq cou gvaqcieng dijcienz de gyalai 28.7%, beij bi' gyai cou gvaqcieng dijcienz de gyalai 4.9%.

(Vangz Yijsiuh)

● Ciuq gyoepsuenq, Guengjdoeng bi' gvaq daengx bi cawx roxnaeuz coengh gih raeuz dieg gungzhoj gai gij doxgaiq lajmbanj, doxgaiq banggunz gungh 215.43 ik maenz, hawj 30.31 fanh vunz ranggunzhoj lai ndaej souhaeuj.

(Veiz Giconh)

● 2 nyied 18 hauh Cunghgoz Dezlu Nanzningziz Cizdonz Youjhan Gunghswh ok siusik, duenh cuengqgyaj gvaqcieng 7 ngoenz neix, Gvangjsih dezlu bumwnz gyonjsuenq doz hek 119.4 fanh vunzbaez, beij bi' gvaq caemh duenh gyalai 30.1%, daeh huq 253.4 fanh dun, beij bi-gvaq caemh duenh gyalai 9.7%.

(Gangh Anh)

● Ciuq gyoepsuenq mbouj liux, duenh gvaqcieng Bingzgoj Si Gyauyuzgiz, Caizcwnggiz, Veigengiz daengj 12 aen gihgvanh danhvei caeuq gij giyez gyaenz coengh vunz caeuq boux gyaenz coengh vunz gungh soengq moeg, ndangdaenj seizdoeng caeuq doxgaiq bingzciengz gvaqngoenz yungh gungh dij 35.9 fanh maenz de hawj 2217 boux lwnyez louzmbanj caeuq hagseng gungzhoj.

(Veiz Bungzyen)

Duenh Cuengqgyaj Gvaqcieng Gvangjsih Lijyouz Siuyungh 140.87 Ik Maenz

Swcigih Vwnzva Caeuq Lijyouz Dingh ok siusik, 2 nyied 11 daengz 17 hauh, Gvangjsih gungh ciepdaih hekyouz 2229.9 fanh vunzbaez, beij bi' gvaq caemh duenh gyalai 434.9%; lizyouz siuyungh 140.87 ik maenz, beij bi' gvaq caemh duenh gyalai 453.1%.

Duenh cuengqgyaj, Gvangjsih gak dieg ok lai cungj banhlap lumj fat mbawfei siuyungh, roengzdaemq gij gvaqcienz mwnzbyau roxnaeuz mbouj sou cienz daengj haeuicoengh

hwnghoengh lizyouz. Liujcouh Si fat 100 fanh maenz mbawfei lijyouz siuyungh hawj doenghboux youq dangdieg gvaqcieng; Gveilinz Si ok 41 diuz sienqloh lijyouz hawj vunzlai ndaejleih, 86 yiengh hozdung hawj vunzlai ndaejleih, fat 272 fanh mbawfei siuyungh hawj doenghboux daj dieg wng daeuj dajgoeng. Gvangjsih gak gaep duzsuhgvanj, vwnzva' gvanj vunzlai caemh yungh de gungh banh 720 ciengz ginzczung vwnzva hozdung, youq vangjloz

caeuq dangciengz gungh miz 214 fanh vunzbaez camgya, 13 fanh vunzbaez daengz ndaw duzsuhgvanj, vwnzva' gvanj vunzlai caemh yungh de.

“Vunz Gvangjsih youz Gvangjsih” baenz aen hawciengz daeuz ngoenzciet vwnzva lijyouz, gij hekyouz ndaw gih ciemq cungjsoq hekyouz bae 70%, vunzlai bonjdieg ceiq maij daiq lwnyez youz dangdieg, gag hai ci youz giz doxgyawj, youz seiqhenz gyawj hawsingz.

(Vuz Libingz)